


Ataatsimiinnermi oqaluuserisassat  
Kommunalbestyrelse - ataatsimiinneq 03/2018



**Ataatsimiinnermi oqaluuserisassat  
Ileqqusumik ataatsimiinneq 03/2018**

**Ataatsimiinneq Nanortalimmi ingerlanneqassaaq.  
23. maaji 2018 nal. 09.00**

**OQALUUSERISASSANUT TAKUSSUTISSIAQ:**

- Imm. 1 Oqaluuserisassat akuerineqarnerat
- Imm. 2 Borgmesterimit ilisimatitsissutit
- Imm. 3 Aningaasaqarnikkut killiffik
- Imm. 4 Kommunimut akiitsut killiffii
- Imm. 5 Missingersuutini nuussineq
- Imm. 6 Ukiumut missingersuuteqarfimmut 2019-imut ukiunullu missingersuusiorallarfiusunut missingersuutit tamarmiusut aningaasartassaattut siunnersuutit
- Imm. 7 Kommune Kujallermi ikuallaaveqarnikkut periusissiaq
- Imm. 8 Katersugaasiviit siulersuisunut ilaasortat kommunalbestyrelsimit toqqakkat
- Imm. 9 Meeqqanut politikkipissatut siunnersuut
- Imm. 10 Nammineq kajumissutsimik suliniartunut aningaasaliissutiniit aningaasaliisarnermi tunngavissat
- Imm. 11 Nunatsinni pissartanngorniunnerni allanilu timersoqatigiiffiit peqataanerannut tapiissuteqartarnermi malittarisassat.
- Imm. 12 Politikkipikkut anguniakkat, killiffik
- Imm. 13 Nanortalimmi, Qaqortumi Narsamilu najukkami ataatsimiititaliat suleriaasissaattut malittarisassaattullu siunnersuutit
- Imm. 14 Imm. 14. Kommune Kujallermi upalungaarsimanermit pilersaarut
- Imm. 15 Isumaginnittoqarfimmi aaqqissuussinermut pilersaarut
- Imm. 16 Nunaqarfinnut politikki
- Imm. 17 Kommunalbestyrelsimut ilaasortap Karla E. Bisgaardip kommunip suliffimmik misiliisunik/ilinniartunik amerlanernik sulisitsisarnissaa pillugu siunnersuutaa
- Imm. 18 Najugaq qimannagu isumaginninnermi ikiortitut ilinniarnep Narsamut nuunneqarnissaanik kommunalbestyrelsimut ilaasortamit Karla Egede Bisgaardimit siunnersuut
- Imm. 19 Ukiumut 2017-imut nalunaarutip saqqummiunneqarnera
- Imm. 20 Tamalaat

**UKIUMUT 2017-IMUT NALUNAARUTIP SAQQUMMIUNNEQARNERA**

**PEQATAASUT:**

**Atassut:** Bentiaraq Ottosen

**Inuit Ataqtigiit:** Naja Lund, Asmus Hansen, Henrik Brummerstedt, Didda Isaksen (som suppleant for Mouritz Karlsen), John Ole Kleist (som suppleant for Stine Egede)

**Siumut:** Kiista P. Isaksen, Manasse Semsén, Mari S. Abelsen, Karla Egede Bisgaard, Monica Dorph, Jørgen Wæver Johansen, Benjamin Kielsen, Anders Olsen, Josef Petersen

**Peqataannngitsut:** Mouritz Karlsen, Stine Egede

**Embedsmænd:** Atorfilittat: Pisortaaneq Kim Dahl, pisortaanerup tullia Carsten Frank Hansen.

**Oqalutsit:** Kelly Berthelsen, Pilunnguaq Egede Enoksen

**IMM. 1. OQALUUSERISASSAT AKUERINEQARNERAT**

**Aalajangiineq:**

**IMM. 2. BORGMESTERIMIT ILISIMATITSISSUTIT**

**Aalajangiineq:**

**IMM. 3. ANINGAASAQARNIKKUT KILLIFFIK**

Naatsorsuutit ulloq. 04.05.2018 (CWH.)  
02.05.2018-ip aallartinnerani Kommune Kujallermi naatsorsuutit killiffii.

Suliassaqarfinni tamanit aningaasatigut killiffimmik nassuiaat - ataatsimiititalianut agguataagaq 4 maj 2018.

Inatsisitigut tunngavii: Missingersuutitut Naatsorsuutinullu inatsimmi § 41 naapertorlugu

Aningaasartai: Soqanngilaq.

Pisortaanerit inassuteqaataat: Tusaatissatut tiguneqassasoq

Aningaasaqarnermut pilersaarusiortarnermullu ataatsimiititaliap (APA-p) aalajangenera 06/2018: Tusaatissatut tiguneqarpoq.

**Aalajangiineq:**

#### **IMM. 4. KOMMUNIMUT AKIITSUT KILLIFFII**

09.05.2018-imi kommunip pisassai tamarmiusut ilisimatitsissutigineqarnerat, kiisalu

- pisortat suliffeqarfiutaanni akiitsoqarnerpaat qulit
- qaammammusalinnit akunnermusialinnillu pisassat
- qinikkaniillu pisassat

Inatsisitigut tunngavii: Missingersuutitut Naatsorsuutinullu inatsimmi § 41 naapertorlugu

Aningaasatigut kingunissai: Aningaasartuutaassanngilaq

Pisortaanerit inassuteqaataat: Tusaatissatut tiguneqassasoq.

Aningaasaqarnermut pilersaarusiortarnermullu ataatsimiititaliap (APA-p) aalajangenera 06/2018: Tusaatissatut tiguneqarpoq. Namminersorlutik Oqartussat ingerlatseqatigiiffiutaasa kommune aningaasanik attartorallartarfittut atugassanngilaat, taamaammat tamanna sakkortuumik taakkununga uparuaatigineqartariaqarpoq. Ernialiinissamut suliarinerinulu akiligassiinissamut periarfissaqarpoq, taamaammat 2019-mut missingersuusiortarnermi tamanna ilanngunneqassaaq. Ilaatigut akiitsut ikileriarsimammata akiitsulinnut toqqaannartumik attaveqartarnerup iluaqutaanera ataatsimiititaliap maluginiarpaa.

**Aalajangiineq:**

#### **IMM. 5 MISSINGERSUUTITIGUT NUUSSINEQ**

**A:**

Missingersuutitigut nuussinissamik qinnuteqaat - Isumaginninnermut ataatsimiititaliap

Konto 47 – utoqqaat illuani nuutsitsineq - utoqqarnut isumaginninneq

Ataatsimiinnermi oqaluuserisassat  
Kommunalbestyrelse - ataatsimiinneq 03/2018

Inatsisitigut tunngavigisaq: missingersuutitut naatsorsuutinullu inatsit § 23, imm. 2.

Aningaasaqarneq: - nuutsitsinermut qinnuteqaat aningaasatigut kinguneqanngilaq, ataatsimiititaliap iluani pimmat.

Pisortaanerit inassuteqaataat: Nuutitsineq kontup pingaarnep iluanimmat kiisalu aningaasartuutitut allannguutaanngimmat missingersuutitigut nikisitsinerup akuerineqarnissaa inassutigineqarpoq.

Aningaasaqarnermut pilersarusiortarnermullu ataatsimiititaliap aalajangnera 05/2018: akuerineqarnissaanik kaammattuutitalerlugu kommunalbestyrelsimut ingerlateqqinneqassasoq. Missingersuutitigut nikisitsinerup piaarnerpaamik timitalerneqarnissaa siunertaralugu borgmesteri partiit siulittaasuutitut attaveqarnissaanik piginnaatineqarpoq ingerlatsiviit missingersuutitigut takutitsisunik tunngaveqarlutik sulisinnaaniassammata.

**B:**

Nuussinissamik qinnuteqaat - Kulturimut, Sunngiffimmut Pinaveersaartitsinermullu Ataatsimiititaliap qinnuteqarpoq kt. 5-imit konto pingaarnep Aningaasaqarnermut Ataatsimiititaliap ataani kontumut nuussisinnatitaanissaminik.

Qinnuteqaat aningaasartuutitut allannguutaanngilaq, ataatsimiititaliamulli atugassiunneqartunik allannguissalluni.

Inatsit tunngavigisat: Aqutsinermut inatsimmi § 44.

Aningaasartai: - nuussinissamik qinnuteqaat aningaasatigut kinguneqassanngilaq, taamaallaalli 402 tus. Kr. konto 5-imiit 10-mut nuunneqassallutik.

Pisortaanerit inassuteqaataat: akuerineqassasoq aningaasat kt. 5-imiittut aningaasaliissutigineqartussaasimannikkaluarmata, tassa taakku 2017-mut missingersuutit aningaasaliissutit tamarmiusut 2018-mut nuunneqarneranni ilaaginnarsimapput peerneqartussaagaluarlutik.

Tamatuma paarlattuanik Kommune Kujallermi nunaqqatigiit siunnersuisoqatigiivi 2017-imisut atugassaqartitaanngillat 2018-imit missingersuutit ammareerneranni aatsaat aningaasaliisoqarsimammata, taamaammata aningaasaliissutit 2017-imiit nuunneqarsimannngillat taamaattussaagaluarlutik.

Aningaasaqarnermut pilersarusiortarnermullu ataatsimiititaliap aalajangnera 06/2018: Akuerineqarnissaanik kaammattuutitalerlugu kommunalbestyrelsimut ingerlateqqinneqassasoq.

**Aalangiineq:**

**IMM. 6. UKIUMI MISSINGERSUUSIORFIUSUMI 2019-IMI UKIUNILU  
MISSINGERSUUSIORALLARFIUSUNI MISSINGERSUUTIT TAMARMIUSUT  
ANINGAASARTAANNUT SIUNNERSUUTIT**

2019-imut missingersuusiorneq aallarnersinnaajumallugu aalajangiinissat missingiusiorneqarput, taamalu missingiut tulliiuttooq saqqummiunneqarpoq:

- 2019-imut missingersuutit tamarmiusut aningaasartaannut missingiutit
- 2019-imi sulisut amerlassusiligaaernerinut missingiut -
- 2019-imut missingersuusiortarnermi pilersaarutissatut missingiut -

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 20

2019-imut kommunip missingersuutaanut tunngasoq

Pisortaanerit inassuteqaataat: Kaammattuutigineqarpoq missingiutit saqqummiunneqartut akuerineqassasut, kiisalu suliareqqitassanngorlugit kommunalbestyrelsimut ingerlateqqinneqassasut.

Aningaasaqarnermut pilersaarusiortarnermullu ataatsimiititaliap aalajangenera 06/2018: akuerineqarnissaanik kaammattuutitalerlugu kommunalbestyrelsimut ingerlateqqinneqassasoq. Sulisut amerlassusiligaaenrat piffissaatillugu sulisoqarnermut immikkoortortamiit tunniunneqanngilaq, taamaammat kommunalbestyrelsip ataatsimiinissaanut saqqummiunneqassasoq piumasarineqarpoq.

**Aalajangiineq:**

**IMM. 7. KOMMUNE KUJALLERMI IKUALLAAVEQARNIKKUT PERIUSISSIAQ**

Nutaamik ikuallaaviliortoqarnissaanik Kommune qangali kissaateqarpoq, tak. SWECO-ip nalunaarusiaa, tassuuna inassutigineqarpoq massakut eqqaaviusup eqqaani nutaamik ikuallaaviliortoqassasoq.

Teknikkimut pisortaq aammalu ingerlatsinerimut pisortaq Nuummi kommunit allat peqatigalugit isumasioqatigiinnermut peqataaqammerput, tassanilu kommunit tamarnik ikuallaavinnut periusissiaminnik saqqummiisussaapput. Siunnersuut ukununnga ilanngussarput tunngavimmigut SWECO-p nalunaarusiaanut assingoqisoq saqqummiupparput. Kommunit tamaasarmik nutaamik ikuallaavittaarusupput, pingaartumik Nuuk aamma Sisimiut annerusumik ikuallaavittaarnissartik tunngavilersorpaat eqqagassat nunatsinnit tamarmeersut ikuallattassagamikkut.

Kommuneqarfik Sermersooq kommunit ataatsimoorlutik eqqaavilerinikkut suleqatigiiffiannik (FOA) pilersitsinissamik nalunaarusiortitsisimavoq, taassumalu illoqarfinni nunaqarfinniillu ikuallaavinngortussamut eqqagassanik tamanik assartuisarnissaq isumagissavaa. Periarfissat assigiinngitsut arlallit saqqummiunneqarput, taakkunanilu sinerissami ikuallaaviit assigiinngitsunik angissusillit agguarsimallutik.

Siunnersuutit taakku Teknikkimut Ataatsimiititaliamut aammalu Aningaasaqarnermut Ataatsimiititaliamut saqqumiunneqarnissaannik borgmesteri kissaateqarpoq, tamatumalu kingorna Teknikkimut pisortap teknikkimut pisortat allat maajip qeqqani (sapaatit akunnerat 20) naapissavai. Ataatsimiinnermi tassani siunertarineqarpoq sumut ingerlanissatsinnik kommunit allat isumaqatigiisuteqarfigissallugit taamaalillutalu namminersorlutik oqartussat tungaannut ataatsimoorussamik isummersimanissarput. Namminersorlutik Oqartussat Nukissiuteqarnermut

Naalackersuisoqarfik aammalu Nukissiorfiit) oqaloqatigiinnernut taakkununga peqataatinnissaat ajornakusoortarsimavoq taamaamat ataatsimut aaqqiissutissamik isumaqatigiissuteqarluta Namminersorlutik Oqartussanut saqquumiissaqarutta kommunit nukitunerussaqaagut.

Inatsisitigut tunngavigisaq: Kommunip piginnaatsitsinera

AningaasartaI: Periarfissat suuneri apeqquataallutik.

Teknikkeqarfimmi pisortap inassuteqaataa:

*periarfissat assigiinngitsut misissuataarneqassasut aammalu ataatsimiititaliap isummerfigissagai taavalu sapaatit akunneranni 20-imi isumaqatigiinniarnissanut piginnaatitsissuteqassasut.*

TEKNIKKIMUT ATAATSIMIITITALIAP AALAJANGERNERA: SWECO-P nalunaarusiaani kaammattuutit malinninnissarput Teknikkimut Ataatsimiititaliamiit piumaneqarneruvoq, tassa Qaqortumi ikuallaaviliortoqassasoq. Aningaasalli pissutigalugit tamanna ajornassappat periarfissat aappaat tassaassaaq suliffissat pigiinnarumallugit aammalu mingunngitsumik kiassaasoqarnissaa angujumallugu ikuallaavitta uuliakunik ikummateqarluni kiassaateqarfinngortinnissaa allatulluunniit aaqqiisoqarnissaa.

Pisortaanerit inassuteqaataat: Inassutigineqarpoq SWECO-p nalunaarusiaani kaammattuutit malinneqarnissaannik teknikkimut ataatsimiititaliap inassuteqaataa akuerineqassasoq akuerineqarnissaannillui kaammattuutigalugu kommunalbestyrelsimut ingerlateqqinneqassasoq.

Aningaasaqarnermut Pilersaarusiortarnermullu Ataatsimiititaliap aalajangernera 06/2018: SWECO-p nalunaarusiaani kaammattuutit akuerineqarput taamaamat suliap akuerineqarnissaa kaammattuutigalugu kommunalbestyrelsimut ingerlateqqinneqarpoq.

**Aalajangiineq:**

**IMM. 8 KATERSUGAASIVIIT SIULERSUISUNUT ILAASORTAT  
KOMMUNALBESTYRELSIMIT TOQQAKKAT**

Katersugaasivinnut malittarisassat naapertorlugit kommunalbestyrelsip Nanortalimmi, Qaqortumi Narsamilu katersugaasiviit siulersuisuinut ilaasortat marluk toqqassavai.

- **Nanortalik:**

- Josef Korneliussen kommunalbestyrelsimit siulersuisunut ilaasortatut toqqagaavoq.
- Kulturimut, Sulinnigiffimmut Pinaveersaartitsinermullu ataatsimiititaliap siunnersuutigaa Majbritt Serano (ilaasortaq nutaaq)

- **Qaqortoq:**

- Kulturimut, Sulinnigiffimmut Pinaveersaartitsinermullu ataatsimiititaliap siunnersuutigaa Lars Ludblad (ilaasortaq nutaaq)

- Kulturimut, Sulingiffimmut Pinaveersaartitsinermullu ataatsimiititaliap siunnersuutigaa Alibak Hard (ilaasortaq nutaaq)

- **Narsaq:**

- Butti Kielsen kommunalbestyrelsimi siulersuisunut ilaasortatut toqqagaavoq.
- Kulturimut, Sulingiffimmut Pinaveersaartitsinermullu ataatsimiititaliap siunnersuutigaa Johanne Biilmann (ilaasortaq nutaaq)

Inatsit: Katersugaasiveqarneq pillugu Inatsisartut inatsisaanni § 14

Aningaasartai: Soqanngilaq.

Pisortaanerit inassuteqaataat: Kulturimut, Sulingiffimmut Pinaveersaartitsinermullu ataatsimiititaliap siunnersuutai akuerineqassasut akuerineqarnissaannillu kaammattuutigalugit kommunalbestyrelsimut ingerlateqqinneqassasut.

Aningaasaqarnermut Pilersaarusiortarnermullu ataatsimiititaliap aalajangenera 06/2018: Kommunalbestyrelsimut kaammattuutitalerlugu ingerlateqqinneqassasoq.

**Aalajangiineq:**

**IMM. 9. MEEQQANUT POLITIKKISSATUT SIUNNERSUUT**

Kommune Kujallermi meeqqanut inuusuttunullu immikkut tapersorneqarnissamik pisariaqartitsisunut, suliniutit nalinginnaasut aalajangersimasullu akornanni qanimut ataqatigiittoqarnissaa kissaatigaarput.

Sulisut ilisimasallit akornanni qanimut suleqatigiittoqarneratigut meeqqanik inuusuttunillu immikkut pisariaqartitsisunik pitsaannerusumik sullissisinnaanngornissarput upperaarput.

Meeqqanut ataqatigiisumik politikkeqarnerup siunertaraa qanimut suleqatigiinnermik kissaateqarnerup iliutsitigut piviusunngortinnissaa. Tassa imaappoq meeqqanut ataqatigiisumik politikkeqarnerup Kommune Kujallermi sulisut ilisimasallit akornanni, meeqqat tamarmik atukkamikkut, peqqinnermikkut ineriartornermikkullu periarfissikkusullugit suleqatigiinneq ersersissavaa.

Meeqqanut politikki isumagisassat arfineq pingasut makkuusut qitiutinneqarput:

1. Suliani meeqqanut tunngasuni, isumaginninnikkut naliliinerit iliuusissatullu pilersaarutit eqqarsaatigalugit, sullissinerup pitsanngorsarnissaa.
2. Suliassaqarfimmi qarasaasiatigut atortorissaarutinik atuineq ineriartortitsinerlu.
3. Meeqqamik, angajoqqaanik attaveqaatinillu oqaloqateqarneq.
4. Siusinaartumik iliuseqarneq pinaveersaartitsinerlu.
5. Suliassaqarfiit akimorlugit suleqatigiinneq.
6. Inissiinerit:
  - a. Qanigisanut inissiinerit



- b. Angajoqqaarsianut tunngasut.
  - c. Ulloq unnuarlu paaqqinnittarfiit.
7. Nunaqarfiit.
8. Ilaqutariinnut sullissivik/ilaqutariinnut illut.

Inatsit: Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq kiisalu kommunip piginnaatitsinera

Aningaasartai: Soqanngilaq.

ISUMAGINNINNERMI ATAATSIMIITITALIAP AALAJANGERNERA: Ataatsimiititaliap ataatsimoortup meeqqanut ataqatigiisumik politikkeqarnissamut siunnersuutip akuerineqarnissaanik innersuutitalerlugu aningaasaqarnermut ataatsimiititaliamut ingerlateqqinneqarnissaa akueraa.

Meeqqanut ataqatigiisumik politikkeqarnissaq akuerineqarpat kingusinnerusukkullu isumasioqatigiittoqassappat isumaginninnermi ataatsimiititaliap peqataanissani kissaatigaa. Aammattaaq akuerineqareernerata kingorna persuarsiorpalaartumik nalliuttorsiuutigineqarnissaa kiisalu Kommune Kujallermi meeqqanut ambassadørimik toqqaasoqarsinnaanera kissaatigineqarpoq.

Pisortaanerit inassuteqaataat: Siunnersuutip akuerineqarnissaanik innersuutitalerlugu kommunalbestyrelsimut ingerlateqqinneqassasoq.

Aningaasaqarnermut Pilersaarusiortarnermullu ataatsimiititaliap aalajangernera 06/2018: akuerineqarnissaanik kaammattuutitalerlugu kommunalbestyrelsimut ingerlateqqinneqassasoq.

### **Aalajangiineq:**

## **IMM. 10. NAMMINEQ PIUMASSUTSIMIK SULINERMUT ANINGAASALIISSUTINIIT ANINGAASALIISARNERMI TUNNGAVIGISAT**

Nammineq kajumissutsimik suliniartunut aningaasaliissutiniit aningaasaliisarnermi tunngaviit oqaluuserisassanut ilanngussatut ilanngunneqartut Kulturimut, sunngiffimmut pinaveersaartitsinermullu ataatsimititaliap ataatsimiinnermini akuersissutigai.

Inatsisitigut tunngavik: Kommunip piginnaatitsinera.

Aningaasartai: Aningaasaliissutini aningaasat immikkoortitat.

Kultureqarnermut Sunngiffimmut Pinaveersaartitsinermullu Ataatsimititaliap aalajangernera: Suliaq aningaasaqarnermut ataatsimiititaliamut kommunalbestyrelsimullu akuerineqarnissamik innersuutitalerlugu ingerlateqqinneqassasoq.

Pisortaanerit inassuteqaataat: Kultureqarnermut Sunngiffimmut Pinaveersaartitsinermullu Ataatsimititaliamit inassuteqaatip akuerineqarnissaanik innersuutitalerlugu kommunalbestyrelsimut ingerlateqqinneqassasoq.

Aningaasaqarnermut pilersaarusiortarnermullu ataatsimiititaliap aalajangernera 06/2018: akuerineqarnissaanik kaammattuutitalerlugu kommunalbestyrelsimut ingerlateqqinneqassasoq.

**Aalajangiineq:**

**IMM. 11. NUNATSINNI PISSARTANNGORNIUNNERNUT ALLANULLU  
TIMERSOQATIGIIFFIIT PEQATAANERANNUT TAPIISARNERMI  
MALITTARISASSAT**

Kultureqarnermut Sunngiffimmut Pinaveersaartitsinermullu Ataatsimititaliap ataatsimiinnermini timersoqatigiiffiit GM-inut assigisaanullu peqataassatillugit taperneqartarnerannut malittarisassat allangortinneqarnissaannut qinnuteqaat oqaluuseraa, taamaalillutik timersortartut ukiui apequtaatinnagit tapiinnermi procentit assigiilissammata.

Ulloq manna tikillugu tapiissutit assigiinngitsunik procenteqartinneqarput, aqqissuussat meeqqanut inuusuttuaqqanullu, inersimasunut imaluunniit utoqqasaanut aqqissugaanersut apequtaatinneqartarluni.

Inatsisitigut tunngavik: Kommunip piginnaatitsinera.

Aningaasartai: Illassutitut aningaasaliissutinik 100 tusind koruuninik pisariaqartitsisoqarpoq

Kultureqarnermut Sunngiffimmut Pinaveersaartitsinermullu Ataatsimititaliap aalajangernera: Oldboysit angalanissaannut aningaasartuutitut tapiissutit 35 %-iniit 50 %-nut qaffanneqarnissaat pillugu kissaat qinnuteqaallu, aningaasaqarnermut ataatsimiititaliamut ingerlateqqinneqassasoq tamannalu aningaasaqarnermut ataatsimiititaliamit kommunalbestyrelsimiillu akuerineqassasoq.

Pisortaanerit inassuteqaataat: Aningaasaqarnermut ataatsimiititaliap tapiisarnermut malittarisassat allangortinneqarnissaat ukiup ingerlanerani kingusinnerusukkut missingersuusiornissamut isumasioqatigiinnermi ilanngunneqarnissaa pillugu kommunalbestyrelsimut innersuussissasoq inassutigineqarpoq.

Aningaasaqarnermut Pilersaarusiortarnermullu ataatsimiititaliap aalajangernera 06/2018: Pisortaanerit inassuteqaataat akuerineqarnissaanik inassutigalugu kommunalbestyrelsimut ingerlateqqinneqarpoq.

**Aalajangiineq:**

**IMM. 12. POLITIKKIKKUT ANGUNIAKKAT, KILLIFFIK**

Kommunalbestyrelsip missingersuusiornermi isumasioqatigiinnera najoqq. oktobarip ulluisa aallaqqaataanni aappaannilu anguniakkanut tamanut tunngatillugu suliniutit assigiinngitsut saqqummiunneqarput.

Kommunalbestyrelsip maajip 23-anni ataatsimiinnissaanut killiffissiornissaq kissaatigineqarpoq, taamaattumik anguniagassat ataasiakkaat killiffiisa ilisimatitsissutigineqarnissaat kissaatigineqarpoq.

Killiffiit ataatsimiititalianit ataasiakkaanit pisut ilanngussani takuneqarsinnaapput.

Inatsisitigut tunngavik: Aqutsinermut inatsit kiisalu kommunip piginnaatitsinera

Aningaasartai: Ilanngussami nassuiarneqartutut ipput.

Pisortaanerit inassuteqaataat: Ingerlatsivinni ataatsimiititalianilu suliasaqarfiusuni politikikkut anguniagassat suliarineqarneri ingerlateqqinneqassasut.

Aningaasaqarnermut Pilersaarusiortarnermullu ataatsimiititaliap aalajangernera 06/2018:  
Oqaluusereqqitassanngorlugu kommunalbestyrelsimut ingerlateqqinneqarpoq.

### **Aalajangineq:**

## **IMM. 13. NANORTALIMMI QAQORTUMI AAMMA NARSAMI NAJUKKAMI ATAATSIMIITITALIAT SULERIAASISSAATTUT MALITTARISASSAATTULLU SIUNNERSUUTIT**

Kommunalbestyrelsip 02/2016-imi ataatsimiinnermini Nanortalimmi Narsamilu najukkami ataatsimiititaliat suliasarititaasut eqqartorpai.

Nunaqqatigiit aqutsisoqatigiivi najukkami ataatsimiititaliangorlutik allanngorsimapput, aamma aqutsinermut inatsisikkut najukkami ataatsimiititaliaqarnissaq piumasaqaatinngorsimavoq, taamaammatt Nanortalimmi, Qaqortumi aammalu Narsami najukkami ataatsimiititaliat suleriaasissaanik malittarisassaannilu siunnersuusiortoqarpoq.

Ukiumi missingersuusiortarfiusumi kukkunikkut najukkami ataatsimiititalianut maanna atuuttunut aningaasanik immikkoortitsisoqarsimangilaq, tamannali missingersuutinik nuutsitsinikkut aaqqinneqaleruttorpoq.

Maanna siunnersuutigineqartumik Qaqortumi kommunimi illoqarfiit sinneri marluk assigalugit najukkami ataatsimiititaliortoqarsinnaalissaq, najoqq. kommunalbestyrelsimut ilaasortamit Monica Dorphimit siunnersuut (ilanngussatut ilanngunneqarpoq)

Inatsisitigut tunngavigisat: Aqutsinermi inatsit

Aningaasartai: Immikkut oqaluuserisassami missingersuutinik nuutsitsineq.

Pisortaanerit inassuteqaataat: Akuerineqarnissaanik innersuutitalerlugu kommunalbestyrelsimut ingerlateqqinneqassasoq.

Aningaasaqarnermut Pilersaarusiortarnermullu ataatsimiititaliap aalajangernera 06/2018: najukkami ataatsimiititaliat pingasut pilersinneqarnissaannik tunngaviumik akuersinissaq inassutigalugu kommunalbestyrelsimut ingerlateqqinneqarpoq, qaammatinili aggersuni suleriaasissatut

malittarisassassatullu siunnersuutit misissoqqissaarneqassapput kommunimut  
pisariaqartitsinermullu naleqqussarumallugit, taamaammat immikkoortoq taanna ukiup  
ingerlanerani kingusinnerusukkut oqaluusereqqinneqassaaq.

**Aalajangiineq:**

**IMM. 14. KOMMUNE KUJALLERMI UPALUNGAARSIMANERMUT PILERSAARUT**

Kommune Kujallermi upalungaarsimanermut pilersaarummut missingiut ilanngunneqartoq  
upalungaarsimanermut pilersaarut 2014-imi akuerineqarsimasoq tunngavigalugu suliarineqarpoq.  
Missingiut nutaaq Namminersorlutik Oqartussanit oqaaseqaatit malillugit aaqqissuunneqarpoq,  
aamma takussutissat ass. Peqqinnissaqarfimmit inunnillu isumaginnittoqarfimmiup  
Ikiuigasuarmissamut upalungaarsimanermut pilersaarutaa ilanngunneqarlutik.

Upalungaarsimanermut pilersaarut Aningaasaqarnermut ataatsimiititaliamit  
Kommunalbestyrelsimiillu naggataatigut akuerineqassaaq.

Inatsit pingaarneq Kalaallit Nunaanni annaassiniarnissamut upalungaarsimaneq aamma  
ikuallattoornissamik qaartoornissamillu pitsaaliuinnermi iliuusissat pillugit Inatsisartut inatsisaat nr.  
14, 26. maj 2010-meersoq

Aningaasartai: missingersuutigineqareersutut.

*Teknikkeqarfimmi pisortap inassuteqaataa:*

*Ulapalungaarsimanermut pilersaarut Aningaasaqarnermut ataatsimiititaliamut  
nassiunneqarnissamut akuerineqassasoq.*

TEKNIKKIMUT ATAATSIMIITITALIAP AALAJANGERNERA: Inassuteqaat akuerineqarpoq

Qullersaqarfiup inassuteqaataa: Akuerineqarnissaa inassutigineqarpoq, taamaattorli  
upalungaarsimanissamut pilersaarutit qulakkeerneqassapput, taakku ilagalugit oqarasuaatit  
normuisa allattorsimaffiat il. il. allannguisoqaraangallu ingerlaavartumik nutarterneqartassapput.

Aningaasaqarnermut ataatsimiititaliap aalajangernera 05/2018: akuerineqarnissaanik  
kaammattuutitalerlugu kommunalbestyrelsimut ingerlateqqinneqassasoq. Upalungaarsimanermut  
pilersaarutit nutartigaasarnissaat qularnaarneqassaaq, aamma kommunip ingerlaatsiviisa  
sakkortuumik pisoqarnerani upalungaarsimanermut namminneq pilersaaruteqarnissaat  
qularnaarneqassaaq.

**Aalajangiineq:**

**IMM. 15. ISUMAGINNITTOQARFIMMI AAQQISSUUSSINERMUT PILERSAARUT**

Marsip 28-anni 2018 isumaginninnermut ataatsimiititaliap ataatsimiinnerani isumaginnittoqarfiup aaqqissuussaanerata allannguutissaanut siunnersuut saqqummiunneqarpoq. Isumaginninnermut ataatsimiititaliap suliap ingerlateqqinneqarnissaa akuersissutigaa. Pingaarnertut allannguutit ukuupput:

- Aningaasaqarnermut ingerlatsiviup sulisutigut inissisimafiata eqquteqqinneqarnissaa, matumanilu tallimanik sulisoqassalluni, tassalu immikkoortortarfiup aqutsisua ataaseq, aningaasaqarnermut sulisut marluk nakkutilliisullu marluk. Pingaarnertut ingerlatsivimmi aningaasanik aqutsineq sukaternissaa.
- Suliassaqarfiit 4-it 3-nut ikilisarpagut. Suliassaqarfik "Utoqqaat illuat" "Utoqqaat, innarluutillit pensionisiaqartullu" naqqanut suliassaqarfimmut inissinneqarpoq. Allannguutip taassuma isumaginnittoqarfiup aaqqissuussaanera annikinnerutilissavaa eqqeersimaartinnerulerlugulu. Ullumikkut inuk ataaseq "Utoqqaat illuat"-ni suliassaqarfimmi atorfilik ataasiinaavoq.
- "Kisitsisitigut paasissutissat"-ni suliassaqarfimmi sulisutigut inissisimaffiannik aaqqissuussinikkut pilersitsisoqarpoq, taanna ataatsimik sulisoqarpoq.
- Atorfinnut akuerisanut tunngatillugu allannguisoqarnaviannigilaq, akissarsianulli aningaasartuutinik 180 tusind koruunit missiliorlugit sipaartoqassaaq. 180.

Inatsisitigut tunngavik: Kommunip piginnaatitsinera

Aningaasaqarnek: Qulaani nassuiarneqartutut.

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersaarusiortarnermullu Ataatsimiititaliap aalajangernera 05/2018:

Kommunalbestyrelsimut kaammattuutitalerlugu ingerlateqqinneqassasoq.

Aalajangiisinnaatitaanermut pilersaarutit kommunalbestyrelsi ataatsimiilersinnagu

suliarineqarsimassapput. (Aalajangiisinnaatitaanermut pilersaarutit suli ingerlanneqarput juunillu ingerlanerani naammassineqarnissaat naatsorsuutigineqarluni).

**Aalajangiineq:**

## **IMM. 16 NUNAQARFINNUT POLITIKKI**

Nunaqarfinni aqutsisut ulluni 31.5-2.6 Qaqortumi ataatsimoorussamik isumasioqatigiinniarput, matumani anguniakkat, takorluukkat, missingersuutit allallu oqaluuserineqassallutik.

2013-imi nunaqarfinni aqutsisut isumasioqatigiinnerannit takorluukkat il. il. ilanngussatut ilanngunneqassapput,

taakku aningaasaqarnermut ataatsimiititaliami politikikkut oqaluuserineqarniassammata, taamaalillutik oqaluuserineqartuni inerniliussat isumasioqatigiinnissami ilanngunneqarniassammata.

Inatsisitigut tunngavik: Kommunit aqunneqarnerat pillugu inatsit aamma kommunip piginnaatitsinera.

Aningaasartai: soqanngilaq

Pisortaanerup inassuteqaataa: Politikikkut oqaluuserineqassasoq.

Aningaasaqarnermut Pilersaarusiortarnermullu Ataatsimiititaliap aalajangernera 06/2018:  
Eqqartoqqinneqarnissaa siunertaralugu kommunabestyrelsimut ingerlateqqinneqassasoq.

**Aalajangiineq:**

**IMM. 17. KOMMUNALBESTYRELSIMUT ILAASORTAP KARLA E. BISGAARDIP  
KOMMUNIP SULIFFIMMIK MISILIISUNIK/ILINNIARTUNIK AMERLANERNIK  
SULISITSINISSAA PILLUGU SIUNNERSUUTAA**

Kommunalbestyrelsimut ilaasortap, Karla Egede Bisgaardip, januaarip 17-anni 2018-imi e-mailimik nassiusivoq, matumani missingersuutit amerlineqarnerisigut Kommunip suliffimmik misiliisunik/ilinniartunik amerlanernik sulisitsinissaa siunnersuutigalugu. Karlap kommunip ingerlatsiveqarfiinut, utoqqaat illuinnut, ulluunerani paaqqinnittarfinnut assigisaannullu atuutsilersinneqarnissaa ilanngullugu siunnersuutigaa.

Inatsisitigut tunngavik: Kommunip piginnaatitsinera

Aningaasartai:

Pisortaanerup inassuteqaataa: Politikikkut oqaluuserineqassasoq. 2019-imut missingersuutinut kissaatiniq eqqartuinnermi siunnersuut oqaluuserineqassasoq.

Aningaasaqarnermut Pilersaarusiortarnermullu Ataatsimiititaliap aalajangernera 04/2018: Kommunip ilinniartunik / suliffimmik misiliisunik amerlanernik sulisitsinissaa politikikkut akuersaarneqarpoq, taamaammat siunnersuut oqaluusereqqitassanngorlugu ingerlateqqinneqassaaq, tassunga atatillugu suliffimmik misiliisunut siunnersortit pisariaqartinneqartussat eqqarsaatigineqassammata.

**Aalajangiineq:**

**IMM. 18 NAJUGAQ QIMANNAGU ISUMAGINNINNERMI IKIORTITUT  
ILINNIARNERUP NARSAMUT NUUNNEQARNISSAANIK  
KOMMUNALBESTYRELSIMUT ILAASORTAMIT KARLA EGEDE BISGAARDIMIT  
SIUNNERSUUT**

Kommunalbestyrelsimi ilaasortaq Karla Egede Bisgaardip najugaq qimannagu isumaginninnermi ikiortitut ilinniartitaanerup Qaqortumiit Narsamut nuunneqassasoq siunnersuutigaa, tassungalu tunngatillugu Piareersarfiusumasq B-1177 kollegianilu inissat eqqarsaatigalugit Inuili atorineqassasut.

Ataatsimiinnermi oqaluuserisassat  
Kommunalbestyrelse - ataatsimiinneq 03/2018

Suliniutum ”Narsaq ataatsimoorussamik siuarsarlugu”-mut tunngatillugu B-1177-iup kulturikkut anguniakkanut atorneqarnissaa siunertarlugu suliniutit maannakkut ingerlanneqarput.

Upernariartornerani najugaq qimannagu perorsaasunngorniarnuop ingerlaannarnissaa aqutissiuunnarlugu suliniutit ingerlasimapput, tamannalu ilinniartitaanermut aqqissuussaaneq allannguuteqarfigineratigut iluatsippoq, taamaalilluni ilinniartitaaneq maannakkut Qaqortumi ingerlaqqissinnaanngorluni, peqqutigalugu ilinniartitaanermut periarfissaasut kollegianilu inissat pioreermata.

Inatsisitigut tunngavigisaq: Kommunip piginnaatsitsinera

Aningaasartai: Soqanngilaq.

Pisortaanerup inassuteqaataa: Politikikkut oqaluuserineqassasoq.

Aningaasaqarnermut Pilersaarusiortarnermullu Ataatsimiititaliap aalajangenera 06/2018: Amerlanerussuteqartut ilinniarfiup Qaqortumi inissisimaannarnissaanik isumaqarput. Akisussaaffeqarfiit suliffiillu kommunimut angerlaanneqarnissaat suli sulissutigineqassaaq, taakkununga nunalerinermik suliassaarfik Narsami inissisimasinnaasoq ilanngullugu. Naja Lundip perorsaaneermik ilinniarfiup Narsamut nuunneqarnissaa pillugu misissueqqittoqarnissaa kissaatigaa.

**Aalajangiineq:**

### **IMM. 19. UKIUMUT 2017-IMUT NALUNAARUTIP SAQQUMMIUNNEQARNERA**

Ukiumut 2017-imut naatsorsuutit matuneqarput februarip naanerani 2018, aningaasaqarnermullu ingerlatsiviup naatsorsuutaasa takutippaat naatsorsuutit 12,2 mio. kr.-nik amigartooruteqarnerat.

Ukiumut 2017-mit missingersuutit siulliit 1,2 mio.kr.-nik sippoqartoornissamik takutitsipput, ukiulli ingerlanerani immikkut aningaasaliissutit missingersuutinillu nikisitsinerit annertussuseqarlutik 14,7 mio. kr.

Ukiumut naatsorsuutit kommunalbestyrelsip ataatsimiinnerani 02/2018 akuersissutigineqarput, ukiumullu nalunaarusiaq tassaavoq naatsorsuutinut nassuiaatitalik.

Inatsisit: Missingersuutinut Naatsorsuutinullu inatsi

Aningaasatigut kingunissai:  
Qulaani takuneqarsinnaasutut.

Pisortaanerit innersuussutaat: Akuerineqarnissaa innersuussutigineqarpoq.

**Aalajangiineq:**

### **IMM. 20. TAMALAAAT**

**Ataatsimiinneq naammassivoq:**

Kiista P. Isaksen

Mari S. Abelsen

Karla Egede Bisgaard

Monica Dorph

Jørgen Wæver Johansen

Benjamin Kielsen

Anders Olsen

Josef Petersen

Manasse Semsen

Bentiaraq Ottosen

Didda Isaksen

John Ole Kleist

Naja Lund

Asmus Hansen

Henrik Brummerstedt